



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 361. Usque Ad Annum 395

**Fleury, Claude**

**August. Vind. [u.a.], 1758**

**VD18 90117786**

§. 49. S. Gregorii Nysseni sententia de peregrinationibus.

---

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

sicut ipsa semper concupierat, penes S. Sæculum IV.  
Emmeliam Matrem suam deposuerunt, A. C. 379.  
orationem communem pro ambabus re-  
citantes. (\*) Peractis omnibus, S. Gre-  
gorius in tumulo prostratus, pulverem  
osculatus est. Ita ipse S. Macrinæ so-  
roris suæ exequias in Epistola ad Olym-  
pium Monachum, quæ vitam hujus San-  
ctæ continet, describit.

## §. XLIX.

*S. Gregorii Nysseni sententia de pe-  
grinationibus.*

Concilio jubente, quod verosimiliter *De eunt.*  
Antiochenum fuit, S. Gregorius Nys- *Hier. p. 1086*  
senus Ecclesias Arabiæ reformavit, &  
cum Palæstina haud procul absit, Jero-  
solymam, & loca sacra visitavit, tum ut vo-  
to satisfaceret, tum ut inter Rectores Ec-  
clesiæ Jerosolymitanæ pacem procura-  
ret. Ad hanc profectioem ei Impera-  
tor vehicula publica concessit; itaque  
currus, quem cum suis occupabat, eis pro  
Ecclesia erat, & Monasterio, in quo per  
viam Psalmos cantabant, & observabant  
jejunia. Tunc urbem Bethlehem, mon-  
tem

(\*) Ex his S. Macrinæ Exequiis non oratio-  
nis pro Defunctis modo, sed & aliarum cære-  
moniarum, quarum hodieque in Ecclesia Catho-  
lica usus est, antiquitas perspicitur.

Saeculum IV. tem Calvariæ, S. Sepulchrum, & Mon-  
A. C. 379. tem Olivarum adivit; at mores popu-  
 lorum ibi habitantium displicuere, quos  
 fuisse corruptissimos affirmat, eamque  
 Regionem omnis generis criminibus,  
 præsertim latrociniis infamem. Hinc  
 est, quod postmodum a Solitario viro  
 Cappadociæ interrogatus, quid de pere-  
 grinantibus Jerosolymam sentiret? edi-  
 cit, sibi non probari, quod homines, qui  
 mundo renuntiarunt, & Perfectionem  
 Christianam amplexi sunt, ejusmodi iti-  
 nera suscipiant; primo, quia nullum le-  
 gimus hac de re præceptum, cum Do-  
 minus Noster in Evangelio nullam men-  
 tionem faciat; deinde quia talis profe-  
 ctio his, qui ad vitam perfectam tendunt,  
 periculosa est; His enim solitudo, & se-  
 paratio a mundo est necessaria, si puri-  
 tatem servare, & personarum alterius  
 sexus occursum effugere velint; sed hæc  
 ab peregrinantibus observari non pos-  
 sunt. *Fæmina, inquit: proficisci non  
 potest, nisi habeat virum comitem, qui  
 eam equum conscendentem, & descenden-  
 tem adjuvet, & in tramite periculoso su-  
 stineat. Sive amicus, sive mercenarius ei  
 id obsequii præstet, non tamen satis mode-  
 stia salvabitur. In hospitiiis, & urbibus  
 Orientis magna licentia, & peccandi fa-  
 cilitas invenitur. Multa occurrunt ob-  
 scæna, quæ per visum, auditumve in ipsum*

p. 185.

cor penetrare possunt. Si morum puritas Dei presentis signum est, credere oportet, Deum magis in Cappadocia, quam alibi velle habitare, & nescio, an in reliquis totius orbis partibus tot altaria ejus honoribus, erecta sint. Hoc ergo fratribus tuis consilium dabis, ut potius corpore exeant, ad Dominum ituri, quam ex Cappadocia, ut in Palestinam proficiscantur. Ista est S. Gregorii Nysseni de peregrinationibus opinio, quas universaliter non damnat, ipse enim Jerosolymam fuerat peregrinatus, sed pericula indicat, quæ a viris sapientibus omnium sæculorum fuere observata.

§. L.

*S. Gregorius Nazianzenus Constantinopoli.*

Inter Orientales Ecclesias Constantinopolitana erat omnium afflictissima. Arianiani ab annis quadraginta dominabantur; aliæ etiam serpebant hæreses, & pauci, qui supererant, Catholici, Pastore destituebantur. Nam Evagrius, quem anno 370. defuncto Eudoxio Ariano, elegerant, statim Valens proscripserat. Nemo S. Gregorio Nazianzeno aptior videbatur, qui huic Ecclesiæ splendorem redderet, viri virtutem, Doctrinam, eloquentiam maximi omnes faciebant. Episcopus

Sæculum IV.

A. C. 379.

1087.

*Carm. de vit.*

p. 10.

*Sup. XVI.*

§. 13.